



БАЯНХОНГОР АЙМГИЙН
БАЯНЛИГ СУМЫН ЗАСАГ ДАРГЫН
ЗАХИРАМЖ

2022 оны 09 сарын 22 өдөр

Дугаар A/96

Хатан суудал

Г 2022 оны хоёрдугаар ээлжийн цэргийн жинхэнэ
албаны цэрэг халалт, татлагын ажлыг
зохион байгуулах тухай

Монгол улсын Засаг захиргаа нутаг дэвсгэрийн нэгж түүний удирдлагын тухай хуулийн 66 дугаар зүйлийн 66.1 дэх заалт, Цэргийн албаны тухай хуулийн 12 дугаар зүйл, Засгийн газрын 2021 оны МН/132 дугаар тогтоол, Зэвсэгт хүчний жанжин штабын даргын 2022 оны Н/220 дугаар тушаал, аймгийн Засаг даргын 2022 оны 09 дүгээр сарын 19-ний өдрийн А/588 дугаар захирамж зэргийг үндэслэн
ЗАХИРАМЖЛАХ нь:

1. Сумын хэмжээнд цэргийн жинхэнэ албанд иргэдийг татах, гэрээт цэрэгт элсүүлэх ажлыг 2022 оны 10 дугаар сарын 03-ны өдөр зохион байгуулж явуулсугай.

2. Цэргийн жинхэнэ албаны ээлжит татлагыг удирдан зохион байгуулж ажиллах “Цэрэг татлагын товчоо”-г доорх бүрэлдэхүүнтэй байгуулсугай.

Дарга: Г.Мөнхсүх (Засаг даргын Тамгын газрын дарга)

Гишүүд: Д.Нансалмаа (Эрүүл мэндийн төвийн дарга)

С.Цэдэндорж (Сургуулийн захирал)

А.Цэндмаа (Соёлын төвийн эрхлэгч)

Б.Балжинням (Хууль эрх зүй хариуцсан мэргэжилтэн)

Б.Пүрэвцэрэн (Насан туршийн боловсролын менежер)

Ж.Лхагва (Нийгмийн даатгалын улсын байцаагч)

Д.Батаа (1 дүгээр багийн Засаг дарга)

Ц.Намхайхорол (2 дугаар багийн Засаг дарга)

С.Ганхүлэг (3 дугаар багийн Засаг дарга)

С.Баттулга (4 дүгээр багийн Засаг дарга)

Б.Амаржаргал (5 дугаар багийн Засаг дарга)

Б.Дэлгэрмаа (Үйлчилгээний оператор, хүний нөөцийн ажилтан)

642201141

А.Гантулга (Байгаль хамгаалагч)

Н.Мөнхгэрэл (Архив бичиг хэргийн эрхлэгч)

А.Болдбаатар (Экологийн байцаагч)

3. Цэрэг татлагын товчоонд даалгах нь:

А. Цэрэг татлагын товчооны гишүүд, ажиллагсдын ажил үүргийн хуваарийг тогтоон цэрэг татлагын холбоотой хууль эрх зүйн баримт, тухайн ажлыг гүйцэтгэх талаар зааварчилгаа өгч, бусад зохион байгуулалтын арга хэмжээ авч ажиллах.

Б. Цэргийн жинхэнэ албаны татлагын ажлыг сайн зохион байгуулж, “Гэрээт цэргийн албанд иргэнийг сонгон шалгаруулах журам”, “Гэрээт цэргийн албанд элсүүлэх заавар”-ын дагуу гэрээт албанд элсүүлэх, “Журам батлах тухай” 2017 оны 144 дүгээр тогтоолоор батлагдсан “Иргэний цэргийн жинхэнэ албанд эрүүл мэндээр тэнцүүлэх болон цэргийн алба хаагчийн эрүүл мэндийн байдлыг тодорхойлох журам”-ыг баримтлах иргэдийг цэргийн жинхэнэ албанд тэнцүүлэн татаж, Аймгийн цэргийн штабаас өгсөн тоон даалгаврыг биелүүлэх.

В. Иргэдээс гарсан санал хүсэлт, өргөдөл гомдлыг хүлээн авч шийдвэрлүүлэх.

Г. Сумын цэрэгт татагдах 18-25 /1997-2004 оны/ насны залуучуудын нэр, судалгааг үнэн зөв гаргаж, цэргийн зарлан дуудах хуудсыг эзэнд нь нэг бүрчлэн гардуулж тооцоог цэргийн штабтай хийх.

4. Эрүүл мэндийн төвийн дарга (Д.Нансалмаа)-д даалгах нь:

А. Цэрэгт татагчдыг эм эмнэлгийн багаж төхөөрөмжөөр хангаж, төрийн үйлчилгээг үзүүлэх.

Б. Цэрэг татлага явагдах байрыг ариутгуулж, холбогдох арга хэмжээг авах.

В. Цэргийн насны залуучуудыг шинжилгээнд бүрэн хамруулах.

5. Цэрэг татлага явагдах байрыг засч шаардлагатай эд хогшлоор хангаж ажиллахыг Сургуулийн захирал (С.Цэдэндорж) –д даалгасугай.

6. Цэрэг халалт, татлагын үед нийгмийн хэв журам сахиулах, гэмт хэрэг зөрчлөөс урьдчилан сэргийлэх арга хэмжээ авч, зарлан дуудах мэдэгдэл аваад тогтоосон хугацаанд ирээгүй иргэнийг эрэн сурвалжилж татлагаар оруулах бүх талын арга хэмжээ авч ажиллахыг Хэсгийн цагдаа, Цагдаагийн ахлах ахлагч (Л.Пүрэвсүрэн)-д даалгасугай.

7. Цэрэг татагчдыг тээвэрлэх техникийн бүрэн бүтэн байдлыг хангуулж зөвшөөрөл өгөх, жолооч нарын хариуцлагыг дээшлүүлж хөдөлгөөний аюулгүй байдлын арга хэмжээ авч ажиллахыг сумын Засаг даргын Тамгын газрын дарга

(Г.Мөнхсүх), Хэсгийн цагдаа, Цагдаагийн ахлах ахлагч (Л.Пүрэвсүрэн) нарт даалгасугай.

8. Коронавирус /covid-19/-ээс урьдчилан сэргийлж цэрэгт татагдах иргэдийн ар гэрийнхэн болон гадны иргэдийг цэрэг татлагын байранд нэвтрүүлэхгүй байх, цэргийн насны залуучуудыг нэг дор олноор цуглуулахгүй байх бүх талын арга хэмжээ авч ажиллахыг Хэсгийн цагдаа, Цагдаагийн ахлах ахлагч (Л.Пүрэвсүрэн)-д даалгасугай.

9. Цэрэг татлагын зардалд шаардагдах хөрөнгийг холбогдох зардлаас гаргахыг Засаг даргын Тамгын газрын дарга (Г.Мөнхсүх), Нягтлан бодогч (Б.Адъяасүрэн) нарт зөвшөөрсүгэй.

10. Захирамжийн хэрэгжилтэд хяналт тавьж ажиллахыг Засаг даргын орлогч (Ж.Энхбат)-д даалгасугай.

